

## **“Parketarrak”, euskaraz jolasean aritzeko ekimena 16 auzotan antolatuko da martxoaren 7tik 25era**

Donostiako Udaleko Euskara Zerbitzuaren eta auzoetan antolaturiko euskara batzordeen elkarlanaren ondorioz, “Parketarrak” izeneko egitasmoa Donostiako hamasei auzotan antolatuko da martxoan. Lehen saioak martxoaren 7an hasiko dira Morlansen, Txomin-enean, Añorgan eta Altzan. Hortik aurrera, martxoaren 25era arte, hiriko auzoetako hainbat parke eta plazetan euskaraz jolasean aritzeko aukera eskainiko da doan.

“Parketarrak” ekimenaren **helburu nagusia haurrak kalean eta parkeetan jolasean ari direnean euskara erabiltzea da.** Urtxintxa eskolak aurrera eramango duen egitasmo hau bi programatan banatuta dago: bata, Zabu-zibu, 3-5 urte bitarteko haurrentzat eta beraien familientzat antolaturikoa eta, bestea, Txirrintxon, 6-9 urte bitarteko haurrentzat.

### **Pasa den urteko saioen balorazioa ona izan da**

2021ean antolatutako saioek harrera ona izan zuten: 1740 hurrek eta 343 gurasok parte hartu zuten. Guztira, 296 saio antolatu ziren. Pasa den urteko saioetan parte hartu zuten gurasoek oso ondo balioetsi dute ekimena. Kalean eta parkean jolasteko ohiturari eustea garrantzitsua iruditzen zaie eta beste jolas batzuetan aritzeko aukera izatea ere bai: flopi-flopi, Krokodriilo jauna, lau izkinak, baloi eseria eta abar. Gainera, kalean euskaraz jolasteko ohitura sustatzearen aldekoak dira.

Aurten, egitasmoa 16 auzotan egingo da: Gros, Antigua, Altza, Añorga, Bidebieta, Loiola, Loiolako Erriberak, Txomin-enea, Martutene, Amara, Amara Berri, Parte Zaharra, Egia, Aiete, Morlans eta Ibaeta. Donostiako auzo gehienetan Euskara Batzordeak sortuta daude eta plangintza bat aurrera eramaten ari dira euskara sustatzeko auzoan bertan. Plangintza horien helburuetako bat euskara aisialdi eremuetan erabiltzea da eta horretarako “Parketarrak” ekimena oso eraginkorra dela ikusi dute Udaleko Euskara Zerbitzuak eta auzoetako euskara batzordeek.

# Prentsa Oharra

## EGITARAUA

Auzoa	Data	Ordua-Adina	Lekua
<b>Altza</b>	Martxoak 7, 14 eta 21 (astelehena)	3-5 urte: 17:00 6-9 urte: 18:00	Casares kultur etxe parean (euriarekin kultur etxe barruan)
<b>Morlans</b>	Martxoak 7, 14 eta 21 (astelehena)	3-5 urte: 17:30 6-9 urte: 17:30	Leire plaza
<b>Txomin-enea</b>	Martxoak 7, 14 eta 21 (astelehena)	3-5 urte: 17:00	Andereñoak plaza
<b>Añorga</b>	Martxoak 7, 14 eta 21 (astelehena)	3-5 urte: 17:00	Amassorain ikastola
<b>Loiolako Erriberak</b>	Marxtoak 8, 15 eta 22 (asteartea)	3-5 urte: 17:30 6-9 urte: 17:30	Santiago Plaza Maria Zanbrano plaza
<b>Egia</b>	Marxtoak 8, 15 eta 22 (asteartea)	3-5 urte: 17:30 6-9 urte: 17:30	Martin Santos plaza
<b>Martutene</b>	Marxtoak 8, 15 eta 22 (asteartea)	3-5 urte: 17:00 6-9 urte: 18:00	Martuteneko parkea, ikastola ondoan
<b>Parte Zaharra</b>	Martxoak 9, 16 eta 23 (asteazkena)	3-5 urte: 17:00 6-9 urte: 17:00	Zuloaga plaza
<b>Antigua</b>	Martxoak 9, 16 eta 23 (asteazkena)	3-5 urte: 17:15 6-9 urte: 18:15	Mikel Laboa plaza
<b>Herrera</b>	Martxoak 9, 16 eta 23 (asteazkena)	3-5 urte: 17:00 6-9 urte: 18:00	San Luis Gonzaga plaza
<b>Amara</b>	Martxoak 10, 17 eta 24 (osteguna)	3-5 urte: 17:00 6-9 urte: 18:00	Araba Parkea (euriarekin Sahatsaren plaza)
<b>Amara Berri</b>	Martxoak 10, 17 eta 24 (osteguna)	3-5 urte: 17:00 6-9 urte: 17:00	Ferrerias plaza, Olaeta kalea
<b>Loiola</b>	Martxoak 10, 17 eta 24 (osteguna)	3-5 urte: 17:30 6-9 urte: 17:30	Latsarien plaza
<b>Ibaeta</b>	Martxoak 11, 18 eta 25 (ostirala)	3-5 urte: 17:30 6-9 urte: 17:30	Karlos Santamaria plaza
<b>Bidebieta</b>	Martxoak 11, 18 eta 25 (ostirala)	3-8 urte: 17:00	Bidebieta parkea
<b>Aiete</b>	Martxoak 11, 18 eta 25 (ostirala)	3-5 urte 17:00 6-9 urte 17:00	Hiru Damatxo plaza
<b>Gros</b>	Martxoak 11, 18 eta 25 (ostirala)	3-5 urte: 17:00 6-9 urte: 18:00	Katalunia Plaza
<b>Gros</b>	Martxoak 11, 18 eta 25 (ostirala)	3-5 urte: 17:00 6-9 urte: 18:00	Nafarroa Beherea plaza